

## Porousen ewe safei Monoclonal Antibody (mAb)

Ewe safei monoclonal antibody (mAb) mei wor aninnisin an epwe tongeni epeti afeiengawen samwau me fansoun maano ren COVID-19.

Ei safei mei kawor meren ekkan tokter non ach ei state, ren an epwe mecheres atouran.

### Pota kopwe angei en safei mAb?

- Mei watte iimanan an epwe epeti seni emon fansoun niwing ren COVID-19 fengen me ekukkunatiw fansoun an emon semwen epwe winiiti COVID-19.
- Mei ekukkunatiw fansoun an emon epwe tongeni maano ren.
- Mei wor pisekin pwarata pwe mei iiman ngeni ewe semwen Delta.

### Met ei monoclonal antibodies?

En monoclonal antibody (mAb) nge menun fiu e fofforuta me non ew lab ren an epwe epeti ewe COVID-19 an epwe atai menun inisumw fengen me ekukkunatiw semwen watte me fansoun niwing.

### Ion mei tufichin angei en safei mAb?

Aramas ier 12 feita, paunar 88 (40 kg) feita, fengen me ir:

#### 1. Mei positiif ar tessin COVID-19

- Ese nuuseni 10 ran seni nepoputan ar mefi ar semwen
- Re mefi atittinin ika an ese kon watte ar semwen
- Rese niwing, awewe ren ar tongeni safei me non imwar fengen me rese nomw won oxygen
- Fengen me mei pwisin wor ar [semwenin inis](#).

#### IKA

**2. Mei torir menun COVID-19 ika mei tongeni torir menun** ren an wor menun non ew neni re nom ie (awewe ren nenien tumwun chinnap) ME ese unus ar oppos fengen ME wor ar [semwenin inis](#). Ekkan aramas mei unus ar oppos ir mei pwan tufichin angei non ekkoch fansoun.

## Met epwe fis ika u angei ei safei monoclonal antibody?

Ei safei monoclonal antibody nge mei wor en oppos ar repwe opposaanong non waaren inisumw (IV) ika ekkan oppos repwe opposaanong fan unuchom (oppos). Noum tokter ika chon non en neni kopwe angei en safei me ie repwe wiisen awewei met sokkun kopwe angei. Ren ir me ruu ekkei sokkun safei, emon mei kaeo ngeni aean epwe wiisen fori angangan.

**Ika kese angei ewe opposun eppet, kopwe uti 90 ran me mwirin om angei ena safei om kopwe angei ewe opposun eppet.**

**Ika ke angei en safei mAb, ese siwini ukuukun tamen om kopwe kuwarantim me akkanaemonuno. Sopweno ne ponuweta met an en local health department tingor om kopwe fori.**

### IV (non waaren inis)

Mei auchea om kopwe no ngeni ew nenien IV mei wor chon sinei angangan ren om kopwe tufichin angei en monoclonal antibody non IV.

Ei sokkun safei mei kawor ar repwe okusaanong non waaren inisumw seni ew oppos (IV). Ina epwe tori 20 - 50 minich, fan ekkoch tameseni ena, an epwe wes kokusun. Ina repwe tingor om kopwe utiwit pwan ew awa ika ka wes ne IV ren ar repwe katon pwe ese wor afeiengawan ngonuk.

### Oppos (Fan unuchomw)

Ika ke angei en safei monoclonal antibody non oppos, ina epwe fan ruwanu om oppos ren ekkan oppos mei mwoch tikekin, repwe opposaanong fan unuchomw nge epwe sokkopaat nenien om oppos won inisumw. Mei pachenong nesokurun poumw, nuukomw me/ika won pecheomw. Atawen ir me ruwanu ekkei oppos ina epwe 1-3 minich. Ina repwe tingor om kopwe utiwit ew awa ika ka wes ne oppos ren ar repwe katon pwe ese wor afeiengawan ngonuk.

### Ngawan

Ren ekkei sokkun safei, ina epwe metek ikewe re opposuuk me ie. Ese wor anoniinenin, ina epwe mworono non fitu ran.

Ekkoch aramas ina repwe mefi ekkei mei tetten fan ei:

- Metekin
- Ekis cha
- Nupwuchon

- Metek
- Pwo

Ekkei nge ussun chok met kopwe mefi ren om angei pwan och sokkun oppos, awewe ren om angei ewe opposun eppetin COVID-19 ika opposun eppetin flu. Ina kopwe mefi non fitu ran.

Ika ke mefi pwe a siiwin metekin, paran, an kinot, unuun, kitifonufon, ika met ke mefi pwe e fis mwirimwirin om oppos, kokkori noum tokter.

### Afeiengawan

Ese konnien fis, nge ekkoch aramas ir mei tongeni feiengaw, ika wor ar allergy, ngeni en safei monoclonal antibody. Mei wor tingor ngeni meinisin ar repwe utiwit mwaren ew awa ika ra wes ne safei ren ar repwe katon pwe ese wor afeiengawan, ika an emon allergy, pwe repwe mwittir ne anisir.

### Pwan ekkoch afeiengawan

Mei akka-fitemon chok aramas repwe mefi afeiengawen ei sokkun safei ngenir. Kapas ngeni noum tokter ika no ngeni pioing ika ke mefi ekkei sokkun esissinen an ngaw ngeni inisumw non ekkon ran mwirin om ka safei:

- Metek nuuk (eningaw, mwuus, ika feiseni)
- Keot, pwo, ttir, ika kitiparapar unuchomw
- Mwanien ika feitiw cha
- Sokkono pichipichin ngasangasomw
- Pwan ew minafo ika wattenno om mefi ngawan
- Weires om ngasangas
- Menuunu
- Tipemonnuk

### Ekkon sokkun safei ren monoclonal antibody

**Casirivimab/Imdevimab-** Ekkon ruu antibody mei kochuu ren aninnisin inisumw an epwe fiu ngeni menun COVID-19 ika mei positiif om tess ika ren om kosapw semwen ika a toruk menun COVID-19. Ei safei mei kawor non IV (opposunong non waaren inis) ika oppos fan ruwanu fan unuchen inis. Mei auchea ar repwe tumwunuk 1 awa mwirin om ka safei.

**Bamlanivimab/Etesivimab-** Ekkon ruu antibody mei kochuu ren aninnisin inisumw an epwe fiu ngeni menun COVID-19 ika mei positiif om tess ika ren om kosapw semwen

ika a toruk menun COVID-19. Ei sokkun safei mei kawor non chok IV (opposunong non waaren inis). Mei auchea ar repwe tumwunuk 1 awa mwirin om ka safei.

**Sotrovimab**- Ew sokkun antibody epwe anisi inisumw an epwe fiu ngeni menun COVID-19 ika mei positiif om tess. Ei sokkun safei mei kawor non chok IV (opposunong non waaren inis). Mei auchea ar repwe tumwunuk 1 awa mwirin om ka safei.

## Met epwe fis me mwirin om safei?

Ika ka wes ne safei, kopwe niwiniiti imwom pwe kopwe asoso me tumwunochuu om semwen ren COVID-19 ika en mei mefi semwenin. Ika ke mefi metekin ikewe ke opposie, en mei tongeni apata non ena chok ran ke safei. Iwe mwirin, kopwe aea met mei epwichipwich (ussun en toun ke otu non konik mei pwich) ren an esapw nupwuchon.

Napengeni ekkan aramas re safei, ese menei ar repwe chek sefan ika ra wes ne safei. Noum tokter ina epwe kapas ngonuk ika mei mefi pwe mei auchea om kopwe sopweno om safei.

Ina kopwe mefi pwe om semwen seni COVID-19 mei atittinino, ika ina epwe fitu ran me mwirin om kopwe mefi pwe ka chikar. Fan ekkoch ina kopwe mefi pwe a wattenom om semwen seni COVID-19. Kopwe emwittiri om no ngeni pioing ika ke mefi ekki sokkun semwen mei tetten, pachenong:

- Weires om ngasangas
- Mefi metek ika chouchou fan mwarumw
- Poputa ne osukosuk
- Weires om kopwe fongufong ika om kopwe neno
- Pwechetiw me womw, kior unuchomw, tunneawomw, ika fan ukkumw, anongonong won enuwen unuchomw.

## Ren om kopwe esinesin afeiengawan e fis

1. Mwittir ne esinesin ngeni noum tokter
2. Esinesin met afeiengawan ke mefi ngeni FDA MedWatch ikei [www.fda.gov/medwatch](http://www.fda.gov/medwatch) ika kokkori  
1-800-FDA-1088 ika kokkori 1-844- 734-6643.

## Ion kopwe kokkori ren om kapas eis

Ika mei wor om kapas eis ika om memmef ren om safei, kokkori noum tokter ika ewe nenien safei ke angei om safei me ie.

**Tourechun taropwe:** Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika noun ekkewe mei chuun. Kokkori ewe COVID-19 Communications Unit won nampa 1-971-673-2411, 711 TTY ika [COVID19.LanguageAccess@dhsoha.state.or.us](mailto:COVID19.LanguageAccess@dhsoha.state.or.us).